



Broj, 01-07-10-25-18/2025
Sarajevo, 31.1.2025. godine

Na osnovu člana 25. stav (1) i 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23), a u vezi člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Dževada Salkića, [REDACTED], [REDACTED], od 22.1.2025. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama o statusu predmeta Ureda disciplinskog tužioca Visokog sudskog i tužilačkog vijeća Bosne i Hercegovine [REDACTED].

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 22.1.2025. godine zaprimilo zahtjev Dževada Salkića, [REDACTED] (u daljem tekstu: podnositelj zahtjeva) za pristup informacijama u vezi sa predmetom Ureda disciplinskog tužioca (u daljem tekstu: UDT/Ured) VSTV-a BiH [REDACTED], kojim je, između ostalog, tražen status navedenog disciplinskog predmeta kao i dokumentacija iz istog.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje informacije navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je UDT, nakon provedene istrage u predmetu [REDACTED], donio odluku o odbačaju pritužbe podnosioca zahtjeva kao neosnovane. Nadalje, utvrđeno je da je podnositelj zahtjeva obaviješten o navedenoj odluci pismom obavijesti od 30.7.2024. godine, nakon čega je dostavio nove podneske istog i/ili sličnog sadržaja. S tim u vezi, uvidom u spis konstatovano je da je UDT 17.12.2024. godine uputio odgovor podnosiocu zahtjeva da po njegovim novim podnescima, odnosno pritužbama, nije bilo osnova za postupanje UDT-a jer sadrže iste, već istražene i razmotrene navode.

U odnosu na zahtjev za dostavljanjem dokumentacije iz gore navedenog disciplinskog predmeta, pristup istim je odbijen u skladu sa odredbom člana 26. stav (2) tačka d) Zakona


putem obavijesti VSTV-a BiH broj 01-07-10-25-19/2025 od 31.1.2025. godine, koja se dostavlja kao prilog ovog rješenja.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Uredu disciplinskog tužioca
3. U spis

Prilog:

1. Obavijest VSTV-a BiH broj: 01-07-10-25-19/2025 od 31.1.2025. godine